



## **SYARAT-SYARAT LESEN REFLEKSOLOGI / URUT TRADISIONAL**

### **1. PREMIS DAN LOKASI**

- 1.1 Premis hanya dibenarkan digunakan bagi aktiviti mengurut kaki sahaja (bagi kelulusan Lesen Refleksologi sahaja).
- 1.2 Lokasi premis hendaklah berjauhan daripada kawasan kediaman, rumah ibadat dan sekolah. Lokasi yang dibenarkan adalah di kompleks perdagangan, kompleks membelih-belah, dan kedai pejabat sahaja.
- 1.3 Pintu masuk urut hendaklah diliputi cermin telus dan pintu itu hendaklah tidak dikunci semasa waktu perniagaan.
- 1.4 Pengusaha dikehendaki menjalankan aktiviti urut secara terbuka (open concept). Bagi tujuan keselesaan pelanggan, dibenarkan untuk memasang langsir tidak lebih 2 meter dari lantai bagi memisahkan antara satu katil dengan yang lain. Bilik-bilik tidak dibenarkan sama sekali. (bagi kelulusan lesen urut tradisional)
- 1.5 Premis hendaklah digunakan untuk tujuan urutan sahaja. Kegiatan menyalahgunakan premis seperti pelacuran, perjudian atau apa-apa perlakuan yang tidak senonoh, tidak dibenarkan.
- 1.6 Bagi premis yang disewakan, pelesen perlu mendapatkan kebenaran, persetujuan dan tandatangan daripada pemilik premis bagi aktiviti ini.
- 1.7 Sekiranya, didapati premis terbabit menjalankan perniagaan yang menyalahi undang-undang, Kerajaan Negeri boleh mengambil tindakan merampas premis berkenaan.

### **2. PEKERJA DAN TUKANG URUT**

- 2.1 Pekerja dan tukang urut hendaklah berpakaian seragam, sopan yang tidak menjolok mata.

- 2.2 Warna dan rekabentuk pakaian seragam ditentukan mengikut kesesuaian PBT.
- 2.3 Pengusaha tidak dibenarkan mengambil pekerja di bawah umur 21 tahun sebagai tukang urut atau kerja-kerja lain yang berkaitan.
- 2.4 Pekerja dan tukang urut warga asing perlu ada permit dari Jabatan Imigresen dan membuat pemeriksaan kesihatan.

**2.5 *Pelanggan lelaki dan wanita hendaklah ditempatkan berasingan dan dikhaskan tukang urut yang sama jantina dengan pelanggan.***

### **3. PEMERIKSAAN KESIHATAN**

- 3.1 Semua pekerja dan pengurut hendaklah pemeriksaan doktor bagi membuktikan pekerja / pengurut bebas dari sebarang penyakit berjangkit atau berbahaya dan didaftarkan dengan Bahagian Pelesenan, MDKL bersama-sama surat perakuan kesihatan dari doktor yang bertauliahan.

### **4. DAFTAR PEKERJA DAN PELANGGAN**

- 4.1 Satu buku daftar pekerja yang mengandungi nama , no. kad pengenalan, alamat kediaman, gambar dan butiran yang berkaitan dengan pekerja dan tukang urut hendaklah disediakan.
- 4.2 Satu buku daftar pelanggan yang mengandungi nama, pelanggan, no. kad pengenalan, warganegara, alamat kediaman, tarikh dan masa hendaklah disediakan.

### **5. MASA OPERASI**

- 5.1 Premis dibenarkan beroperasi 10.00 pagi sehingga pukul 1.00 pagi sahaja.

### **6. PERLESENAN**

- 6.1 Perniagaan ini adalah dilesenkan di bawah Undang-Undang Kecil Pusat Kecantikan dan Perniagaan Kesihatan 2007.
- 6.2 Pemegang lesen hendaklah mempamerkan lesennya pada sepanjang masa di suatu tempat yang mudah dilihat dan mengemukakannya sekiranya dikehendaki berbuat demikian oleh pihak berkuasa melesen.

## 7. WANG CAGARAN

- 7.1 Setiap permohonan dikenakan bayaran cagaran. Wang cagaran tersebut adalah sebagai jaminan kepada pemohon supaya pada setiap masa mematuhi peraturan dan syarat-syarat pemberian lesen yang ditetapkan.
- 7.2 Wang cagaran tersebut akan dirampas (forfeited) apabila pemohon melanggar syarat-syarat atau sekatan lesen itu dan peruntukan-peruntukan enakmen atau mana-mana yang telah ditetapkan.

## 8. JANGKA MASA SALAHLAKU LESEN

- 8.1 Secara prinsip, sesuatu lesen tidak boleh diperbaharui sebagai suatu hak kecuali dibuat melalui permohonan baru. Untuk itu dicadangkan permohonan pembaharuan lessen hendaklah dikemukakan selewat-lewatnya 3 bulan sebelum tarikh luput lesen.

## 9. KEBERSIHAN / KESELAMATAN

- 9.1 Ruang urut, tandas, bilis air, katil, kain cadar, lantai, ruang tamu dan keseluruhan premis hendaklah diselenggara dengan baik dan sentiasa dalam keadaan bersih.
- 9.2 Menyediakan tong sampah yang secukupnya beserta dengan karung plastik.
- 9.3 Kelengkapan mencegah kebakaran seperti alat pemadam api hendaklah disediakan dengan secukupnya dan dipasang di tempat yang mudah dilihat.
- 9.4 Semua laluan, tangga. Jalan keluar dan masuk hendaklah bebas dari sebarang halangan.
- 9.5 Semua ruang dalam rumah urut atau premis hendaklah dipasang dengan lampu yang terang semasa waktu perniagaan.

## 10. PAPAN TANDA / IKLAN

- 10.1 Tidak dibenarkan meletakkan gambar atau poster-poster lucah dan menjolok mata samada di dinding premis atau di papan iklan premis.
- 10.2 Meletak papan tanda **” ORANG BERUMUR DIBAWAH 18 TAHUN”** tidak dibenarkan memasuki/berada di premis berkenaan.

10.3 Meletakkan tanda ‘**Larangan Merokok**’ di dalam kawasan berhawa dingin.

10.4 Setiap pemasangan iklan/papan tanda hendaklah mendapat lesen terlebih dahulu.

**\*\*\*Segala arahan daripada Yang Dipertua atau mana-mana pegawai Majlis ini yang diberi kuasa hendaklah dipatuhi dari masa ke semasa.**

Disediakan Oleh :

Jabatan Pelesenan dan Kesihatan Persekutaran  
Majlis Daerah Kuala Langat